

# Aretxagazeta

ARETXABALETA / Egubakoitza / 2005eko abenduaren 2a

404. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxe: 943 77 18 54 • Posta elektronikoa: aretxagazeta@goiena.com • Lege gordailua: SS378/94

## Kontzertuak eta umeendako ekitaldiak ditu Negu Kulturalak

MIRARI ALTUBE

Datozen egunotan banatuko dute etxe guztietan Negu Kulturala egitaraua. Kultura Sailak gertatu du, eta kontzertuz beteta dator egitaraua. Urtero legez, umeak izango dira protagonista; Poxpolin Park-ik ez dute izango aurten, baina izango dute zerekin jolas egin.

Abenduarekin batera kaleratzen du Kultura Sailak hurrengo bi hilabeteotako ekintzen egitaraua. Hala ere, atzo, abenduak 1, hasi eta urtarri bukatu bitartean izango dute herritarrek zer entzun eta zer ikusi.

### ORGANOA, AKORDEOIA ETA ABESBATZA

Kontzertuak dira nagusi egitarauan, era guztietako kontzertuak, eta hasteko Primoz Parovel Esloveniako akordeoilariaren ekitaldia izango dugu bihar, zapatua, 20:30ean, parrokiari. Arrasate Hiriko Akordeoi Txapelketako irabazle izandakoari Hsin-Ying Chen sopranoak egingo dio lagun.

Abenduaren 15ean eta 21ean, musika entzunaldiak eskainiko dituzte Leizarra musika eskolan, 18:30ean. Abenduaren 16an, ostera, kontzertu bi egongo dira: organo kontzertua Mari Karmen Azpeitia-aren eskutik, 19:00etan, parrokiari eta Kokein taldearena, 22:30ean, Ezkutu tabernan. Abenduaren 17an Aretxabaleko Akordeoi Orkestrak eskainiko du kontzertua 20:30ean, parrokiari; eta hilaren 30ean, egubakoitza Jose Luis Franzesena organo jolea eta Aretxabaleta Abesbatza izango dira parrokiari, 19:00etan.



Ipuin kontalariak, tailerrak eta jolasak izango dituzte umeek Gabonetako egunetan.

### POXPOLIN TAILERRAK, DEBALDE

Gabon egunetan umeak izan ohi dira protagonista, eta aurten, Poxpolin Park beharrean Poxpolin tailerrak izango dituzte. "Kirol etxean antolatzen genuen tailerrak diru kostu handia zeukan eta kexa asko jasotzen genituen", dio Inma Miguelek, Kultura teknikariak: "Egoera hobean eta debalde eskainiko ditugu aurtengo ekitaldiak Iralabarri plazan".

Abenduaren 23an, kriseilu edo faroltxoak egingo dituzte 15:00etatik 18:00etara bitartean kultur etxean, hurrengo egunean Olenzerori ongietorria egiteko. Abenduaren 24 goizean, ume zein gurasoek Gabon kantak abestuko dituzte kalean, eta arratsaldean,

18:30ean, Olenzeroren bisita jaso dugu Leizarra musika eskolako txistularien laguntzarekin.

Hilaren 27an, Poxpolin tailerrak egingo dituzte goiz eta arratsaldean 3 eta 12 urte bitartekoendako; 28an, ipuin kontalari bi egongo dira, 16:00etan; eta 29an, Poxpolin jolasak izango dituzte kirol etxean: ur jolasak 8 urtetik gorakoendako eta gaztelu puzgarriak ume guztiendako.

Abenduaren 31n Bizar Zurik egingo digu bisita, eta urtarrilaren 5ean ekialdetik datozen Errege Magoek. Negu Kulturalari agur esateko, ostera, Pirritx eta Porrotx izango ditugu urtarrilaren 28an, zapatua. *Maite zaitut* ikuskizuna eskainiko dute bi pailazoek.

## Atzo ezkerro itxita dago Urkulu automobilendako

M.A.

Urkulu inguratzen duen ibilbidea ixtea erabaki zuen duela hilabete batzuk Udalak, eta atzo ezkerro itxita dago. Aparkalekuan utzi beharko dituzte autoak erabiltzaileek; bestela, udaltzainek isunak jarriko dizkiete. Gainera, Bainuetxeko industrialdeko aparkalekua erabiltzeko dei egin du Udalak.

Atzo itxi zuten Urkulu urtegi inguruko ibilbidea Goroeta parean. Zutoinak jarri dituzte, eta giltza daukatenek bakarrik kendu ahal izango dituzte. Hala, ibilgailuen joan-etorria arautu eta Urkuluko ingurunearen erabilera behar bezala antolatu gura du Udalak.

Erabiltzaileek aparkalekuan bakarrik utzi ahal izango dituzte


automobilak, eta udaltzainek isunak jarriko dizkiete araututako guneetatik kanpo daudenei.

### BAINUETXEKO APARKALEKUA

Bainuetxeko industrialdeko aparkalekua sustatu gura du Udalak eta Urkulu urtegiaren daudenak, berriz, adinekoendako, umendako eta ezinduendako gorde. Seinale bidez emango diete herritarrei horren berri. Helburua da ibilgailuen joan-etorria murriztea eta oinezkoen lehentasuna ematea; gainera, ekosistema babestu egingo dute. Era berean, Urkuluko edertasunarekin gozatzera joaten direnei gogorazten diete naturari eta baserritarrei esker paraje bikaina daukagula Kurtzebarriren magalean, eta luzaroan edukitzeko errespetuz eta begirunez jokatzea ezinbestekoa dela.



Atzo (abenduak 1) ezkerro daude jarrita Goroetako bidegurutzeko zutoinak.



ITZIAR UGARTE

Optika Audiometria Betaurrekoetan azken joerak

Arrasate pasealekua 35, ARRASATE. 943 08 26 87

Eskola Politeknikoaren ondoan

**FARMAZIENTXANDA**

**ZAPATUA, 3**  
ITURRALDE, Belorrieta 1. . 943 79 27 22

**DOMEKA, 4**  
ITURRALDE, Belorrieta 1. . 943 79 27 22

**TELEFONOAK**

**OROKORRAK**

- Almen ..... 943 71 49 07
- ARETXAGAZETA ..... 943 79 86 21
- Fara ..... 943 77 18 54
- Basotxo ..... 943 77 09 81
- Euskaltegia ..... 943 79 21 68
- Gizarte laguntzailea ..... 943 71 18 62
- Industrialdea ..... 943 79 62 80
- Institutua ..... 943 79 79 00
- Kirol etxea ..... 943 71 26 28
- Kultura etxea ..... 943 71 10 27
- Gazteria salla ..... 943 71 10 27
- Kurtzebarri Eskola ..... 943 79 00 49
- Kurtzebarri BHI ..... 943 79 57 40
- KZGunea ..... 934 79 94 44
- Liburutegia ..... 943 71 18 62
- Loramendi EE ..... 943 77 09 70
- Ludoteka ..... 943 79 05 81
- Mankomunitatea ..... 943 79 30 90
- Murukiro ME ..... 943 79 93 74
- Musika Eskola ..... 943 79 36 50
- Osasun etxea ..... 943 71 19 59
- Otalora ..... 943 71 24 06
- Parrokia (bulegoa) ..... 943 79 18 42
- Pausoka Haur Eskola ..... 943 77 03 77
- Postetxea ..... 943 79 28 31
- Basabeazpi Ikastola ..... 943 71 21 18
- Taxi geltokia ..... 943 77 12 64
- Udal Bulegoak ..... 943 71 18 62
- Udaltzaingoa ..... 943 71 18 63
- Urats Gain ..... 943 79 99 11

**UDALTZAINGOA**

Anrasate ..... 943 79 14 39

**LARRIALDIK**

- SOS Delak ..... 112
- Eskualde Ospitalea ..... 943 03 53 00
- Ertzaizta ..... 943 79 71 99
- Gurutze Gorria ..... 943 76 55 76
- Larrialdia ..... 943 46 11 11
- Suhiltzaileak (Oñati) ..... 943 78 28 00

**Loramendi EE eta AGE batera euskararen alde**

M.A.

**Bihar, abenduak 3, Euskararen Nazioarteko Eguna ospatuko dugu. Ikastetxeetan landuko dute bereziki, baina Loramendi Euskara Elkartek ere ospatu gura du. Hala, Gazte Ekimenarekin batera hainbat ekitaldi antolatu ditu. Goizean umeak izango dira protagonista eta arratsaldean, herritar guztiak.**

Loramendi EEk maiatzean ospatzen du Euskararen Eguna; hortaz, ez du ekitaldi handirik egingo oraingoan. Hala ere, euskarak izango du aipamenik bihar, abenduak 3.

**MARRAZKIAK ETA GAZTAINAK**

Ume eta gaztetxoek jai giroa izango dute bihar goizean. 11:30ean,

aurpegia margotzeko eta marrazkiak eta margo jolasak egiteko tailerrak jarriko dituzte Herriko Plazan. Ezustekoren bat ere izango dute plazara hurreratzen direnek. Eguraldi txarra eginez gero filma jarriko diete txikienei udalaxe zaharrean.

Arratsaldean, 18:00etan, gaztaina erreak eta sagardoa eskainiko dizkiete herritarrei Gazte Ekimeneko kideek. Eguraldi ona eginez gero Mitarte kalean egongo dira, eta bestela, Herriko Plazako arkupeetan.


**SARREREN ZOZKETA**

Euskal Herriko Bertsolari Txapelketa nagusiko finalerako lau sarrera zozketatu ditu Loramendi EEk bazkideen artean. Mari-lu Madinabeitiak eta Ana Agirrek bina sarrera jaso dituzte.



ARTXIBOA

Aurpegia margotu eta marrazkiak egingo dituzte umeek, euskara gai hartuta.



**Giza balioak landu dituzte astean**

Giza balioak landu dituzte astean Kurtzebarri eskolan. Beste herrialde batzuetan zela bizi diren ezagutu dute, Saharan, Mexikon edo Mozambiken. Baina ezin ahaztu Euskal Herria, eta horretarako Neguko Jaia egin zuten atzo, abenduak 1. Urtero legez, irrintzi lehiaketa eginez hasi zuten, laugarren aldia dagoeneko, eta ostean Larrain dantza erakustaldia eskaini zieten hurreratatukoei ikasle, irakasle eta gurasoek. Buzkantzak eta gaztainera jan bitartean giro ezin hobea jarri zuten trikitilariak. / M.A.

**LABUR**

**Santa Luzia ospatuko dute Basotxon eta omenaldia egingo diete 90 urteko bazkideei**

Abenduaren 13an Santa Luzia eguna ospatuko du Basotxo Erretiratu Elkarteak, Gainera, aurten 90 urte betetzen dituzten bazkideei omenaldia egiteko aprobetxatuko dute eguna. Beste batzuetan 90 urtetik gora dituzten bazkide guztiak omendu izan dituzte, baina gero eta gehiago direnez, oraingoan 90 urte aurten betetzen dituztenek bakarrik jasoko dute. Hamar inguru dira, eta dantzariak aureskua dantzan egin ostean opari txiki bat emango diete Basotxoko zuzendaritzako kideek. Omenaldia 17:00etan izango da, eta bukatutakoan merienda eskainiko dute bazkide guztiendako: txokolatea bizkotxoekin.



**K21**

**AZKARATE AROZTEGIA**  
Telleria 19, B-0-2 B-0-3 BERGARA  
Tel.: 943 76 47 19 - 610

Zoru aukera zabala,  
tarimak,  
parket flotatzaleak,  
parket bernizatuak  
eta estratifikatuak.

Iber

★ Loteria ★  
✿ Paper denda ✿  
✱ Liburuak ✱

Otalora 2.  
ARETXABALETA  
Tel.: 943 79 04 39



Hirusta  
Jatetxea

Ilargi plaza 4  
943 79 06 57  
ARETXABALETA

Aretz

taberna

"Oilasko erreak eta paellak eramateko"

Markole 5  
Tel.: 943 79 14 67  
ARETXABALETA



**ANDRA MARI**

Aholkularitza

- Fiskala
- Kontablea
- Juridiko/laborala

Andra Mari Auzunea 3  
ARETXABALETA  
Tel. 943 79 29 26

GARBITU S. KOOP

Garbiketa  
orokorrak

Errekabarren 3- Behea  
ARETXABALETA  
Tel: 943 79 01 28

Mobiliario  
ARENAZA

• ALTZARIAK  
• DISEINUA  
• APAINKETA

Bizkaia 1 - Tel.: 943 79 08 07  
ARETXABALETA



LURRINDEGIA  
OPARI DENDA

Mitarte 18 • 943 79 38 59  
ARETXABALETA

PAGALDAI

Opari denda  
Lurrindegia

Durana 33 • Aretxabaleta  
943 79 10 14

# Bikain ibili dira aretxabaletarrak Euskadiko Trialsin Txapelketan


M.A.

Azaroaren 20an jokatu zuten Euskadiko Trialsin Txapelketari zegokion azken proba Ormaiztegin. Markel Uriarte, Aitor Murua, Itziar Murua, Unai Zuntzunegi eta Iker Mendikute aretxabaletarrak ibili dira, eta ederto bukatu zuten guztiek txapelketa.

Trialsin-zaleak ugaritu egin dira azken urteotan herrian. Hala, talde polita osatu dute Markel Uriarte, Aitor Murua, Itziar Murua, Unai Zuntzunegi eta Iker Mendikutek. Nork bere mailan jarduten du, eta Euskadiko Txapelketa bukatu berri dute, ederto bukatu ere.

## SAILKAPENEO LEHEN POSTUETAN

Martxoan hasi zuten Euskadiko Txapelketa Erreterian eta azaroaren 20an bukatu zuten Ormaiztegin. Tartean beste bost proba egin dituzte eta puntuak batu azken sailkapena osatzeko. Markel Uriarte infantilen mailan ibili da aurtan, eta laugarren geratu da sailkapenean. Aitor Murua, ostera, alebinekin jokatzen du eta bigarren geratu da, baita emakumeen taldean dabilen Itziar Murua eta hasiberrietan dabilen Unai Zuntzunegi ere. Iker Mendikute ere hasiberriekin ibili da eta txapelketako proba guztiak ez jokatu arren, aurreko postuetan geratu da. Aipatzekoa da Aitorrek irabazi egin zuela alebinen mailako Ormaiztegi proba, hau da, azken proba.



GURUTZE URRUTIA

Markel Uriarte, Unai Zuntzunegi, Iker Mendikute, Itziar Murua eta Aitor Murua.

## MARTXOAREN 5EAN ARETXABALETAN

Orain hiruzpalau urte Markel eta Nagore Uriarte anai-arrebek bakarrik jarduten zuten trialsi-

nean. Gipuzkoako Txapelketako proba bat Aretxabaletan egiten hasi zirenetik, baina, taldetxo osatu dute, eta gero eta gehiago dira. Datorren urtean ere egingo dute Gipuzkoako proba bat herrian, martxoaren 5ean hain zuzen, eta Arantzazun beste bat, martxoaren 19an. Markelek mailaz igo eta kadeteekin jokatuko du urtarriletik aurrera. 13 urte dituen Nagore arrebak, ostera, albora utzi du bizikleta, baina ez trialsin txapelketak; izan ere, epaile lanak egiten ditu joaten den proba guztietan.

*Datorren urtean ere egingo dute Gipuzkoako proba bat herrian, martxoaren 5ean*

## LABUR

### Liderraren aurka jokatuko du bihar areto futboleko UDA-Mercedes Goiko Leniz taldeak

Partidu gogorra dauka UDA-Mercedes Goiko Leniz taldeak bihar, zapatua. Liderra hartuko du kirol etxean, 17:00etan: Anoetako Gazte Asanblada, hain zuzen. 3-2 galdu zuten aurreko partidua aretxabaletarrek Amara KEn aurka, nahiz eta joko hobea egin eta gol aukera gehiago izan; hortaz, partidu garrantzitsua da biharkoa. Gogotsu aterako dira UDAkoak jokatzerara, eta eskertu egingo dute zaleen berotasuna.

### Mailaz ez jaisteko irabazi egin behar dute Errasti anaiek eta Lasagabaster-Altzolak

Bukatu dute liga senior mailako pilotariak, eta jaitsiera postuetan geratu dira bikote bi. Errasti anaiek Bergarako eta Añorgako bikoteen aurka jokatuko dituzte partidua, eta hiruretako bat jaitsiko da bigarren mailara. Gaur, 19:00etan, daukate lehen partidua bergararren aurka. Lasagabaster eta Altzolak, berriz, partidu bakarra jokatuko dute gaur, 20:00etan, Lazkaon, eta galduz gero 3. mailara jaitsiko dira.

### Aitor Alcaide bigarren eta Esteban Romero hirugarren geratu ziren Oñatiko txapelketan

Oñatiko Nazioarteko XI. Xake Txapelketa jokatu zuten joan zen domekan, eta aretxabaletarrek bikain jardun zuten: Aitor Alcaide bigarrena izan zen eta Esteban Romero hirugarrena. 27 jokalaririk elkartu ziren Oñatiko gaztelekuan, eta Azer Mirzoev-ek irabazi zuen txapelketa.

## PARTIDUAK

### FUTBOLA

#### UDA-Hondarribia

Preferentea.

Domeka. 16:30. Ibarra.

#### UDA/Arizm.-Antzuola

Lehen mailako gazteak.

Zapatua. 16:00 Ibarra.

### PILOTA

#### Aretxab. - Bergara

Lehen mailako seniorrak.

Egubakoitza. 19:00. Iturigorri.

## EMAITZAK

### FUTBOLA

#### Anaitasuna 1 UDA 0

Preferentea.

#### UDA 7 Gazteak 2

Bigarren mailako erregionala.

#### UDA/Arizm. 2 Sto. Tomas 4

Ohorezko gazteak.

#### Ilintxa - UDA/Arizm. -

Lehen mailako gazteak.

#### UDA/Arizm. 4 Euskalduna 0

Lehen mailako kadeteak.

#### UDA/Arizm. 5 Soraluze 0

Bigarren mailako kadeteak.

#### Lengokoak 4 UDA/Arizm. 0

Ohorezko infantilak.

#### Antiguoko 5 UDA/Arizm. 0

Infantil txikiak.

#### Elgoibar 4 UDA 0

Alebinak

#### UDA/Arizm. 2 Gasteiz Cup 0

Emakumezkoen liga (seniorrak).

#### UDA/Arizm. 4 Bergara 3

Emakumezkoen liga (kadeteak).

#### Amara 3 UDA-Mercedes Goiko

Leniz 2

Areto futbola.

**ZARAIA**  
**taberna**  
Goizeko 06:00etik irekita  
Araba Ibilbidea 20 • ARETXABALETA • Tel.: 943 79 88 95

**Zenbaki**

- Kontabilitatea
- Fiskalitatea
- Lana
- Juridikoa

**Aholkularitza**

Basabe poligonoa F-O-10 (1. solairua) ARETXABALETA  
Tel.: 943 71 21 12 - Faxa: 943 71 22 68

**Mortin**  
erloju-denda

*Bere bezeroen zerbitzura*

Mitarte 16  
Tel.: 943 79 01 72  
ARETXABALETA

**Leire Pagaldai Elkorobarrutia • Dietista**  
Errekabarren 16, boxua • Tel.: 675 71 37 92

**leire**  
elikadura eta dietetika

**Balorazio antropometrikoa**  
**Pazienteak egunean jan duenaren balorazioa**  
**Nutrizio balorazioa**  
**Nutrizio tratamenduak (dieta pertsonalizatuak)**

- Pisuaren kontrola
- Elikadura ohiturak
- Kirolariak
- Haurdunaldiak
- Elikadura nahasteak:

Anorexia, bulimia eta loditasuna.

-Gaixotasunak:  
Diabetesa, hipertentsioa, urdaileko ultzerak, osteoporosia, hiperkolesterola, zeliakoa, giltzurruneko gutxiagatasuna ...

**Jarraipena**  
**Mantentzea**

**ATREBENTZIAEZPADA/ Urtarrilletik aurrera ezingo da erre lantoki eta tabernetan. Ze pentsetan jatzu?**



**ROSA DEL AGUILA**  
Langillie



**MANUEL ABRIL**  
Jubilaue



**ELENA MARTINEZ**  
Langillie



**JAIONE GONZALEZ**  
Langillie



**ESTEBAN ARANA**  
Jubilaue



**ASUN GABIRIA**  
Langillie

Oso ondo pentsetan jat. Erretzailliek erre barik egon leikiela seguru nau; izen be, nik ezautu neuen haurdunaldi danielen erre barik egon eta umie euki orduko hasi zana.

Asko poztu naz lege horren barri izen dotenien. 30 urte inguru daroiet erre barik eta molestau egitten dust keiek. Erretzaillendako gogorra izengo dala pentsau eta egokitu daixela guniek.

Ondo pentsetan jat, baiñe nik ez dot erreten. Erretzaillendako lekuek egokitzie ondo pentsetan jat; hori bai, jakin egin biher daue nora fan erreten eta errespetau.

Gogorregixe pentsetan jat. Lan lekuetan behintzet erreteko lekuek egon biherko leukie, langilliek poliki-poliki ohittu daittezen. Uste dut arazo bat baiño gehixau sortuko dala urtarrillien.

Nik neuk ez dot erreten, baiñe oso gogorra pentsetan jat. Erretzaillie izen nitzen eta orduen oso gogorra izengo zan neuretako. Erre ahal izeteko lekuek jartie ondo egongo litzake.

Diskriminatzaillie dala erretzaillendako uste dot; lekuren bat egokitu biherko leukie erretetako. Gaiñe- ra, lan leku askotan ez daki- xie ze pasauko dan urta- rillien, ez dutzie ezer esan.

**TXALOAKETATXISTUAK**



**TXISTUAK IZUGARRIZKO UR PUTZUA** Euri jasa handiak izan ditugu egunotan eta ur putzuak aurkitzea ez da berria. Trenbidean sortzen den ur putzu hori, baina, alde batetik besterainokoa da. Bai oinezkoek, bai korrikalariek kostata pasatu behar izaten dute, eta sarritan oinetako eta praka barrenak busti-busti eginda. Ez dakit konponbide samurra daukan, baina eskertuko lukete, seguru. / M.A.

**ORAINDELA 3URTEARETXABALETAN**

**Atxabaltarrok taldearen aurkezpen ekitaldia**

Independentziaren alde eta sasi Bush guztien gaintetik, autodeterminazioa aldarrikatuz azaldu zen Atxabaltarrok taldea prentsa-aren aurrean. 30 lagun inguru elkartu ziren eta Euskal Herriak bizi zuen egoera oso latza zela adierazi. Herritarren laguntza eskatu zuten ekitaldiak egiteko.



**ASTEKODATUA**

**12**

**LAGUN MURRUKIXOK ANTOLATUTAKO BAZKARIAN**


Mendi irteera eta babarrun jana antolatu zituen Murrukixoko MEK joan zen domekarako. Kurtze- barrira joan ziren elurretan ibiltzera hainbat lagun. Bazkaltzen 12 bakarrik geratu ziren.

**BESTEKEESANA**

**2001ean Europa mailako proiektu baten parte hartu genuen, hondeatzeko makina hidrauliko baten simulagailu prototipo bat eginda. Simulagailuak langileen heziketan erabil daitezkeela erakusteko balio izan zigun. Ikerlanek proiektu horretan beste hainbat elkarterekin parte hartu zuen. Geroago, eta haren ondotik, lan segurtasunaren ariora aplikatu- tako proiektua bultzatzea erabaki dugu, eta onartu egin dute. Proiektua hainbat lan jardune- tan banatu dugu. Enpresa elkartei dagokie simulagailuak nolakoak nahi dituzten zehaztea. Eurek badakite non dauzkaten premiak, eta, hain justu, lan arrisku horiek saihesteko simulagailuak.**

**ANA MARTINEZ**  
'Astelheheneko Goienkaria'/05-11-28

**HERRITARRENBERBAK/ Anjel Bergaretxe**



*Ekin eta jarrai*

**F**ranco hil zenetik 30. urte-urrenaren bihamune- an, Espainian inoiz egon den epaiketarik handiena omen dena hasi zen.

Epaiketari diot, nolabait deit- zearren, Euskal Herrian gehie- nok (PP eta PSOE ezik, jakina) garbi daukagu eta justiziarekin baino gehiago politi- karekin zerikusia duen zerbait dela hiz- kuntza eta ekintza ju- diziazalek mozarrotu den eraso hau.

Beste zerbaitetan ere ados jarri dira al- derdi gehienak. PPri eta Garzoni egotzi die astakeri honen eran- tzukizuna. Ba ni ez nator bat. Antza denez ahaztu egin dugu ez dela Baltasar izan "dena ETA da" teoriaren asma- tzailea. Ez dugu gogoratu nahi ez- ta, PPko gobernuak eraso dituen erakunde denak edo gehienak au- rretik ere erasoak jasan dituztela.

Egunotan irakurri dudun ar- tikulu batean, Ardanzak eta Atu- txak *Eginen* aurka egindako adie- razpen batzuk gogorarazten zi- ren. Egunkari horren kontra Gasteizko gobernu ezberdinek burutu izan duten boikota (legez

kanpoko) ere gogora ekar gene- zake. Edo AEK-k jasan izan due- na. Ez dut ahaztu nahi barne sail- buru ezberdinek JARRAI edo AABak kriminalizatzeko eginda- ko ahaleginak, ezta ere PNVk, EA eta PSOEekin batera, HB bazter- tu eta desagerrarazteko eginiko saioak, hainbat herritako alkate- tzak kenduz ere (Are- txabaletan, kasu).

Eta ahaztu egin behar ote dugu baita *Egunkariak* izan zuen lehen etsaia, jaio au- rretik jada, PNV bera izan zela? Gure alder- dirik katolikoena abortozale agertu zi- tzaigun.

Egia da PP izan dela hainbat eta hainbat urrats ematera ausartu dena, baina eraiki duten gezur handi honen oinarriak aurretik ezarriak zeudelako izan du posible.

Agian norbaiti pistak ematen ari naiz, baina harritzen nauena zera da, idatzi honen izenburua lelotzat duen Euskaltzaindia nola ez duten oraindik auzitara era- man. Dena ETA baldin bada, era- kunde honek hiru aldiz ETA behar du izan.

Nire elkartasuna auzipetuei!

**"Antza denez ahaztu egin dugu ez dela Baltasar izan dena ETA da teoriaren asmatzailea"**